



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **In Genesis Enarratio**

**Chyträus, David**

**Vitebergæ**

**VD16 C 2625**

III. De officio boni Principis, & forma optima gubernationis.

**urn:nbn:de:hbz:466:1-36126**

**DE OFFICIO BONI**  
*Principis, & forma optima*  
*gubernationis.*

Et præcipua boni Principis officia, & optima gubernationis formam proponit hoc in loco historia Ioseph, qui circumiens omnes Regiones Ægypti ueram de Deo doctrinam, & optimas artes spargit & in Ecclesijs ac Scholis propagari curat, & tuetur disciplinam & pacem, ac uictum & omnia ad uitæ sustentationem necessaria Ægyptijs procurat. Ideoq; hæc honorificentissima appellatio ei tribuitur à Pharaone, quod sit pater Regionis, & ut in nostra uersione habetur, Saluator Mundi, seu ut Christus Luc. 22. loquitur, *ἐὺς οὐρανῶν*. Hinc definitio sumatur.

Bonus Princeps est minister Dei, ordinatione diuina constitutus, ut sit nutritius Ecclesiæ & Scholarum, & sit custos disciplinæ ac pacis, & puniat contumaces pœnis corporalibus.

*Suntq; hæc tria præcipua boni Principis officia.*



I. Constitutio Ecclesiarum & Scholarum, in quibus uera Dei noticia & inuocatio, & alie artes uitae necessariae custodiantur, ut de Ioseph dicitur. Psalm. 104. Deus misit ante eos uirum, in seruum uenundatus est Ioseph, Misit Rex & soluit eum, constituit eum Dominum domus suae, ut erudiret Principes eius doctrina sua, & Senes eius prudentiam doceret. Non igitur dubium est Ioseph diuinitus in hoc summum fastigium sapientiae, potentiae, & auctoritatis euectum, sparsisse in Aegypto non solum sanctorum patrum doctrinam, & Ecclesiae propriam de Deo, de lapsu primorum parentum, de uenturo Semine, Sed etiam ueram philosophiam de natura rerum & motibus caelestibus, quae quidem tunc plantata à Ioseph, Anno mundi 2230. semper deinceps in Aegypto usq; ad Ptolemaeum annos 1870. & postea uerè usq; ad nostra tempora mansit.

II. Conseruatio disciplinae externae, seu honestae morum gubernationis per leges & poenas legitimas, ut Aristoteles inquit, ἀρχὴν ὅσι φη λαξ νόμους.

III. Conseruatio pacis & depulsio latrociniorum, seditionum, quibus turbatur tranquillitas publica. Haec tria officia cum fideliter obeunt Principes, & diuinitus iuuantur, optima est gubernatio, quam eruditissimè descripsit Paulus 1. ad Timoth. 2. inquit, Orate pro Magistratibus, ut pacatam & tranquillam

i 4 tranquilla



tranquillam uitam agamus in omni pietate & honestate. Et Rom. 13. Et Esa. 49. Reges erunt nutritij tui.

Prodest autem ad omnia hæc munera rectius obeunda ipsos Principes uisitare seu inspicere Ecclesias & politias, esse ἐπισκοπῆς sicut Ioseph ipse uisitat & circumit omnes Regiones Ægypti.

V.

## DE BONIS

Corporalibus.

In loco de CREATIONE testimonia collecta sunt, quæ confirmant Deum etiam corporalium bonorum procurationem habere. His adiungatur & huius Capitis historia, & cause Sex cogitentur, propter quas proposuit Deus etiam presentium bonorum promissiones, & uult ea à se peti & expectari. Quas supra cap. 26. indicauimus.

## TEXTVS.

Byssina stola) stola apud ueteres quamlibet uestem tegentem corpus significabat, à ἐσθλοῦ, id est, apto, orno. Postea ad honestæ Matrone uestem translatum est, ut Caligula Liuiam solebat Vlyssim Stolatam nominare.

Byssus, tenuissimi lini genus, cuius scrupula quaternis denarijs olim permutata sunt. Teste Plinio libro